

Igls meis da mars ed avregl 2019 ò la suprastanza communal tracto tranter oter igls suandonts affars:

Lubientschas da biagier:

- Lubientscha da biagier a Paulina Lozza per veranda d'anviern e paravent da vèder; parc. nr. 5637, Sur Meir 5, Cunter.
- Lubientscha da biagier a Daniel Sonder per biagier anturn remisa an garascha e local da deposit; parc. nr. 8259, Veia Sumvei, Salouf.
- Lubientscha da biagier a cumegn da Surses per halla per maschinas e salv per onscher; parc. nr. 2171, Planets, Rona.
- Lubientscha da biagier a Stefan Waldis per angrondaneir fanestra; parc. nr. 6070, Plaz 5, Riom.
- Lubientscha da biagier a Tamara ed Ursus Sonder per angrondaneir part d'abitar dall'acla, indrez solar, foss sainza deflussiun; parc. nr. 6741, Bargias, Riom.

Surdadas da lavours:

- Project d'investiziun per amplifitgier ed equipar la deponia Davos Fallung a Savognin: surdo la lavour da catramar la veia d'access alla Mettler Prader SA a Coira/Cunter.
- An connex cun igl project d'investiziun da sanar la veia cantunala Rona - Rona Soura (5. etappa) èn neidas surdadas las suandontas lavours:
 - lavours da construcziun bassa (part digl cumegn) alla Luzio Tiefbau SA a Savognin.
 - lavours sanitaras alla Cavegn SA a Savognin.
- Project d'investiziun da sanar la Veia Tgaplottas a Savognin: surdo las lavours da construcziun bassa alla Ardüser Bauunternehmung SA ad Alvagni/Savognin.
- An connex cun igl project d'investiziun da sanar la veia da Parsonz - Tigignas (4. etappa) èn neidas surdadas las suandontas lavours:
 - las lavours da construcziun bassa alla Fasolini Signorell SA agls Mulegns.
 - las lavours da catramar alla Mettler Prader SA a Coira/Cunter.
- Project d'investiziun per renovaziun digl kiosk Barnagn: surdo la lavour da far bancs e meisas da lenn per la terrassa digl kiosk alla scrinareia Carisch a Riom.
- An connex cun la migliuraziun generala Sur (11. etappa) èn neidas surdadas las suandontas lavours:
 - lavours da construcziun bassa alla Luzio Tiefbau SA a Savognin.
 - lavours sanitaras alla Savoldelli Haustechnik SA ad Igis/Savognin.
- Project d'angrondaneir igl luvratori forestal a Tinizong: surdo la lavour da planisaziun agl biro Architektur gmbh Susan Stgier a Cunter.
- Transport da persungas cun bus da Savognin a Tigignas e da Tigignas a Radons: surdo l'incumbensa alla Marco Jäger Transporte/Taxi a Sur an collaboraziun cun la Mountain Tour GmbH a Barvogn/Savognin.
- Sanaziun dalla veia da Senslas: surdo las lavours d'impresari all'interpresa Angelo Demarmels a Salouf.

Ulteriours affars:

- Decidia da schlarger igl travagl digl Bus Alpin da Sur sen l'alp Flex a parteir dalla staschung da stad 2020. Uscheia vign igl bus a circular gio da Tschuntgesams e las fegns d'emda igl zarcladour e davent dalla fegn da zarcladour mintga de anfignen la fegn dallas vacanzas d'aton.
- Tscharnia Daniel Fitzi scu nov manader dalla partiziun da finanzas digl cumegn. El antscheva igl sies pladimaint igls 2 d'avost.
- Decidia da midar igls programs comunals EED e d'installar da nov igls programs dall'interpresa Abraxas Informatik SA cun sedia a Son Giagl.

- Sancziuno igl contract cun la Post Immobilien SA pertutgont la compra dall'immobiglia dalla posta a Beiva. Igl credit basignevel persiva è nia approvo dalla radunanza communal digls 18-03-2019.
- Decidia d'instradar la procedura per la cooperaziun publica dalla planisaziun locala "Plazza da sport La Nars" a Savognin ed approvo igls meds da planisaziun correspondents.
- Inoltro agl departamaint da finanzas digl cantun Grischun ena posiziun an connex cun las revisiuns da leschas concernent la flexibilisaziun dallas finanzas (GRFlex).
- Sancziuno igl protocol dalla radunanza communal digls 18 da mars 2019.
- Sancziuno la glista da tractandas per la radunanza communal digls 27 da matg 2019.
- Decidia da vender a Giatgen Mitgel Bellini ena strefla taragn da 27 m² giu dalla parcella nr. 4133, Son Mitgel, Savognin, an possess digl cumegn.
- Decidia da vender a Claudio Frank la caschareia viglia a Rona incl. en toc taragn anturn cun ena surfatscha totala da 209 m², giu da parcella nr. 2005, an possess digl cumegn.
- Decidia da vender a Renata ed Adrian Poltera en toc taragn da radond 285 m² giu da parcella nr. 2091, Rona, an possess digl cumegn.

Tinizong, igls 13-05-2019

Suprastanza communal Surses